

Масжидларда кунлик ва жума намозларини очик ҳавода ташкил қилиш тавсия этилди



21:10 / 25.06.2021 1107

Соғлиқни сақлаш вазирлиги ибодат амалларини очик ҳавода ташкил этиш тавсия қилиниши ҳақида хабар берди. Юртимиздаги мавжуд эпидемиологик ҳолатдан келиб чиқиб, масъул идораларнинг таклифлари инобатга олинган ҳолда Республика махсус комиссияси томонидан: кунлик ва жума намозлари фақат масжиднинг очик ҳаводаги майдонлари (очик айвонлар, масжид ҳовлиси, масжидга туташ ички кўчалар)да тиббий ниқобда ва оралик масофани сақлаган ҳолда ташкил этилиши;

65 ёш ва ундан катта ёшдаги фуқаролар ҳамда сурункали касаллиги мавжуд шахсларга диний тадбирларни имкон қадар уй шароитида амалга ошириш;

Республикада фаолият юритаётган бошқа диний конфессияларга мансуб диний ташкилотларда ҳам жамоавий ибодатларни юқоридаги тартиблар асосида амалга ошириш тавсия этилди.

Эслатиб ўтамиз, 2020 йилнинг мартада Ўзбекистонда коронавирус пандемиясининг карантин қоидалари бошланган эди.